


## Tortolì, giòbia chi benit presentazione de su libru “Il Ventennio fascista in Ogliastra” de Gigi Pirroni



Giòbia 26 de abriale, ddoe at a èssere sa presentada de su libru “Il Ventennio fascista in Ogliastra. Amministratori - Sovversivi - Antifascisti – Confinati”, de s’iscritore biddamannesu Gigi Pirroni. S’òpera, acumprida cun sa collaboratzione s’A.N.P.I. - Nùgoro/Ogliastra, est editada dae sa domo imprentadora Grafica del Parteolla.

S’apuntamentu est a ora de is 6 de merie in s’Auditòrium de su Cunsòrtziu Industriale Provintziale de s’Ogliastra Paris. At a abèrrere is traballos Luigi Vacca, responsabile ANPI Ogliastra, e Salvatore Corrias, Cunsigieri Regionale. At a moderare sa giornalista Giusy Ferrelì. Su Presidente de sa Cummissione Natzionale de Garantzia ANPI, Piero Cossu, at a fàghere is cunsideros finales.

Gigi Pirroni, nàschidu in Biddamanna Strisàili, in cust’òpera sua, sa de tres, istùdiat su Bintènniu fascista Ogliastra basendesì subra documentos de archìviu, materiale fotogràficu e testimonias orales. Su chi nd’est

essidu a foras dae is istùdios suos est chi mancari un su cuntestu de unu règimene totalitàriu, acanta ddoe teniat medas chi andaiant a caddu corona cun su fascimu, comente medas amministradores fideles a su règimene, ddoe teniat peri medas rebellos e antifascistas chi si sunt opostos a sa ditadura, paghende in pitzu issoro is cunsequènzias. Mesas de custas figuras de opositores sunt disconnotos o iscarèschidos, e su libru torrat a donare onore a s’atividade antifascista issoro.

“Il Ventennio fascista in Ogliastra” est su de tres libros publicados dae Pirroni, peritu chìmicu in pensione. In su 2015 at publicadu su libru "Storia e storie del Bacino Alto Flumendosa" e, in su 2021, "Villagrande, una gioventù in guerra", basados subra chircas aprofundidas in is archìvios militares e istatales. In su 2021 est intradu a fàghere parte de su Diretivu Provintziale de s’ANPI Nùgoro Ogliastra e at inghitzadu un’istùdiu fungudu a pitzu de sa ditadura fascista in Ogliastra.